

## **Ebe onuzi-eva ni iPọlu o kẹkẹ ghi ẹgbọ ITɛsalonia Eni e miesuo**

<sup>1</sup> Mhẹmhẹ iPọlu ali iSalasi ali iTimoti anye ri ebe ona ghi igbaa oyi eni e mie iJesu iKirisiti suo ni o la eke iTɛsalonika, ni e khi ẹgbọ eyi Ẹshinẹgba Ita awa ali iJesu iKirisiti Onomhụe.\*

<sup>2</sup> Mhi lema Ẹshinẹgba Ita awa ali iJesu iKirisiti Onomhụe e mhụe isomhelemhi na ẹ, e ri opfomhẹ na ẹ.

### *Ikphẹmhi ali Iromhi isosọ*

<sup>3</sup> Inyoghuo, anye mema ya ke tse Ẹshinẹgba uwegbe na ẹ ẹghẹghẹ kpa. O ti ni anye ke ligho, irari khi irudunga oye ọọ fu sho ẹghẹghẹ kpa. Inono ni a mhụe na egbe ọọ fu sho.

<sup>4</sup> Lọli o ze ni anye ro re ẹ la iteva igbaa nya eyi eni e mie iJesu iKirisiti suo eyi Ẹshinẹgba a neta omose. Eri anye re ẹ neta omose itobo abi a li dobe ri obo mu udu migha irudunga oye ẹ elemhi okholi ali imufe nya ni a mu vule shi ẹ o.

<sup>5</sup> Enana nya e rokhase khi ezọ oyi Ẹshinẹgba o migha shi ipfuase. Itobo igho Ẹshinẹgba o ya leli ẹ shi eni e te o, ni e ya lo iloghie oyoli ni a me osoli ẹ shi.

<sup>6</sup> Ẹshinẹgba o ya gbe azeba, o ya ri osoli fali eni e na ẹ osue ota.

---

\* **1:1** Li ze Ika 17.1

<sup>7</sup> O ya ri iyemhēa na ēe ni a mē osue, o gbo li ri oni iyemhēa na anye. O ya riēlē ona ini iJesu Onomhūē o da feli lasele shi idane elemhi avuer̄ē, lōli ali igeni eniemhi eyoli.

<sup>8</sup> O ya na ēgb̄o ni ēa lēsē Eshinēgba osue, ali eni ēa ri usomhi onete oyi iJesu Onomhūē gbe akanya.

<sup>9</sup> E ya mē osue. E ghu tiemhi ilimhi irīērīē. A rue wē odalo oyi Onomhūē ali ufumhi onīemhi oyoli le.†

<sup>10</sup> Ēlē ni a ya mē ona khi, ogbēlē ni Onomhūē o ya bhale, ni eni e ri udu nga li e ri ikūēghiē ali ekpē na li. Li shi ēē lō, itob̄o khi a she mie ungm̄emhi ni anye gueyē ē sūo.

<sup>11</sup> Lōli o zē ni anye rōo sō iromhi na ē, Eshinēgba o zē ni a li khi eni e ya la agb̄o ni ōo ghōlē ōli. Ali ō ri ekpab̄o eyoli ri uḡbamhi onete ni a mh̄oli bhale ya tse na ē, li shi onete ni irudunga oyēē o rē ē riēlē.

<sup>12</sup> Itob̄o okhale oyi Eshinēgba oyawa ali oyi iJesu iKirisiti Onomhūē oyawa, a ya rue ufumhi ghi eva oyi iJesu Onomhūē oyawa, o li ri ufumhi ghi ē.

## 2

### *Ona okh̄olō*

<sup>1</sup> Inyoḡhuo, ingme ibhale oyi iJesu iKirisiti Onomhūē oyawa, ali abi awa li ya kuma li egbe,\*

<sup>2</sup> a khi zē ni usamhi oyēē o nyanya ghagha ku ni a yila. Ini ogb̄okh̄ogh̄uo o rirīē khi imek̄ē lōli mē, okekhi usomhi ona kē o guele, okekhi eri ōo khi ebe ni anye kēkē ghi lōli luē rōte zē ōli khi ogbēlē oyi Onomhūē o she bhale,

<sup>3</sup> a khi zē ni ogb̄okh̄ogh̄uo o te odē okh̄ogh̄uo di ē. Irari khi oni ogbēlē ōa ya bhale ini aa li mē

† **1:9** Li zē *Aza 2.10* \* **2:1** Li zē *1 iTesa 4.15-17*

ukpokpomhi imuokhue-vule shi Eshinegba o ali ini ona umhasuo-eso ni o khi ogbo obe o a li feli lase gboo, ikhi oni a mheso owa ere na.

<sup>4</sup> O ya mu okholi vule shi emhikpa ni egbo e lu Eshinegba, ilitsa ali emhikpa ni egbo ee ga o, o ri egboli fu dose we nya. O gbo ga vu ya shito Owa oyi Eshinegba oyi Eshinegba oo lie khi loli ke khi Eshinegba.†

<sup>5</sup> Aa ke sato khi mhi gue ingme ena nya ye e abi mhi ro nu e la?

<sup>6</sup> Ee a lese emini o ze khi aa roli lasele khaso ne, ini egheghe oyi ona okholo ona o da ramhi, a ya roli lasele khaso.

<sup>7</sup> Ama eni ikhiakhiamhi ekpabo okholo ena e she bele e gbe ikanya eyewe, ama oni o mu oli gbaga. Ama oni ona okholo o a ya feli lasele ini oni o mu oli gbaga o a li lase ode-a.

<sup>8</sup> Egheghe agho a ya ri ona okholo khaso, oni iJesu Onomhue o ya ri ungmehi ni o rote oli unu lasele pfuse-a. Ugemhi oyoli ini o nyene egbe bhale o ya ga pfuse oli-a nya.‡

<sup>9</sup> Ona okholo ona, o ya ri ekpabo oyi Okphaghie bhale, oo gbe onyaloa egbhue ali oshabo ododa.§

<sup>10</sup> O ri udimhi ododa ni e kholo di egbo ni ee pfua. E ya pfua irari khi ea lama mie wekhi eri e nono igesikia, ni o kha mie we pfuese.

<sup>11</sup> Itobo igho, Eshinegba o ro ghie ayemhe egboli ghi we, ni ee ro mie emini e khi egboli suo.

<sup>12</sup> A ya pfa ezoo mu ogbo ni o a da mie igesikia suo ne, ni o da mhue oghuemhe shi olamhe.

---

† 2:4 Li ze iDan 11.36; Ezik 28.2    ‡ 2:8 Li ze Aza 11.4    § 2:9 Li ze iMat 24.24

### *A migha gbagbagba*

<sup>13</sup> Anye mema ya ke tṣe Ẹshinēgba uwegbe ẹghẹghẹ kpa na ẹ, inyoghuo ni Onomhufe o nono. Irari khi ẹẹ Ẹshinēgba o kpe ze ni a ya mie pfuese. Ayemhe oyoli o reṣe khi eni e pfuase, ali eni e mie igesikia suo.

<sup>14</sup> Rote usomhi onete oyanye, Ẹshinēgba o te lu ẹ shi ona. Eri o lu ẹ ni a ro mhufe okemhi shi ufumhi oyi iJesu iKirisiti Onomhufe oyawa.

<sup>15</sup> Irarigho, inyoghuo, a migha gbagbagba, a mu eni igesikia ni anye sese ẹ mhufe abi anye rote itsabo ali elemhi ebe ni anye keke gue oli ye ẹ.

<sup>16</sup> IJesu iKirisiti Onomhufe oyawa luoghuo ali Ẹshinēgba Itawa ni o nono ingme oyawa, ni o rote okhale oyoli ri udu shi awa o, ni o gbo ri irudushi ni o ya nighise na awa,

<sup>17</sup> e ka ri udu shi ẹ o, e gbo zese ẹ a shi ikanya ali ingmemhi enete.

## **3**

### *IPolu oo, a so iromhi na wewe*

<sup>1</sup> Ni mhi ro gbe oli ukhomhi inyoghuo, a ke so iromhi na anye. A so iromhi ni ungmehi oyi Onomhufe o nyanya ke ga asha kpa, ni egbo e gbo mie oli, ni e ri ufumhi ke ghi Ẹshinēgba, abi a li mie oli abi o ro la ẹ iteva.

<sup>2</sup> A gbo ke so iromhi Ẹshinēgba o rue anye obo oyi egbo ebe ali ena okholo lasele, irari khi o a khi ogbokpa o miesuo.

<sup>3</sup> Ama oni a ri egbe ẹ nga Onomhufe o khi. O ya ri itoto na ẹ o khukhu ẹ obo oyi ona okholo.

<sup>4</sup> Anye regbenga Ọnọmhuẹ khi a riẹlẹ ali khi a kiele ẹ ke riẹlẹ emini anye sẹsẹ ẹ.

<sup>5</sup> Mhi lema, Ọnọmhuẹ ọ ka udu oyẹẹ lẹsẹ inono ni o funẹ ni Eshinegba ọ mhuẹ ali ni iKirisiti ọ rẹẹ migha egbegbo.

### *Ọgbọgbọ ọ ke gbe akanya*

<sup>6</sup> Inyoghuo, anye ri eva oyi iJesu iKirisiti Ọnọmhuẹ oyawa mhẹsẹ na ẹ, a ti kia na inyoghuo ọkhoghuo ni ọ la agbo ọwaza ni ọa ya deba osesẹ ni anye ẹ sẹsẹ ẹ.

<sup>7</sup> Eẹ oyẹẹ a lẹsẹ khi o ti ni a ke li abi anye ẹ li. Anye ẹa li ọwaza abi anye rọ nu ẹ la,

<sup>8</sup> wẹkhi eri anye mie ọgbọkhoghuo emhi le ni anye a fali ota shi. Eri anye ri ochoghọ gbe akanya, ọpfo o ta anye ghe ẹlẹ ọguota ali ẹlẹ iyosẹ, ini anye khi ya khi itsua na ọngeẹ tsua.

<sup>9</sup> Ọa khi itobọ khi anye ẹa tẹ eni ẹ mhila ẹ ikpaghiobọ, anye rọ lighọ ngeli. Eri anye lighọ, ni anye khi irokhokho ni áá ke deba.

<sup>10</sup> Abi anye rọ nu ẹ la, anye gueyẹ ẹ khi, “Ọgbọ ni ọa lama gbe akanya ọ khi le eminale.”

<sup>11</sup> Eri anye ngme ona itobọ khi anye suọ khi ẹgbọ eghuo e la ẹ iteva ni ẹa lama gbe akanya, ni ẹa ya li emhikhoghuo ama ikanya eyi ẹgbọ elese ẹẹ sọno unu ke pfuẹchẹ-a.

<sup>12</sup> Anye ri eva oyi iJesu iKirisiti Ọnọmhuẹ mhẹsẹ na ẹgbọ eghoghọ, anye gbo tse agua yewẹ e ke ngeli angeli ni o te ode. E ke gbe akanya ni e te mẹ emhi ya ke le.

<sup>13</sup> Ama ẹẹ inyoghuo a khi zẹ ni onete iriẹlẹ o susu ẹ.

14 Ini ọgbọkhọghuo ọ la ọ ni ọa ya ri omhęse ni a keke shi ebe ona gbe akanya, a lolo tọ ọgbọ ọghọghọ ọkpe. A khi kugbe ọgbọ ọghọghọ ọ, ni omama o mu ọli.

15 Ama a khi ngeli deba li abi ọbe ẹ, ama a ri ochoghọ tse agua ye ọli abi inyọghuo.

*Ingmemhi ni e kpe ukhokho*

16 Ọnọmhuẹ luẹghuo ni ọ khi ode opfọmhẹ oyawa ọ ka ri opfọmhẹ na ẹ eghẹghẹ kpa ali ode khi ode. Ọnọmhuẹ ọ ka nu ẹ la.

17 Mhẹmhẹ iPolu mhi ri obọ oyẹmhẹ keke ebe ona ghi ẹ. Mhi tse ẹ. Ina mhi liẹ keke eva oyẹmhẹ shi ebe ni mhi keke kpa. Ina mhi liẹ keke ebe.

18 Okhale oyi iJesu iKirisiti oyawa o ka nu ẹ la nya.

**Ebe-No-Pfuasę Ishobo Onogbo**  
**New Testament in Ivbie North-Okpela-Arhe**  
**(NI:atg:Ivbie North-Okpela-Arhe)**

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

**Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

**The New Testament**

in Ivbie North-Okpela-Arhe

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 18 Apr 2025 from source files  
dated 29 Jan 2022

03be06b0-68fd-500b-b9a9-6bca4b63979a